



Broj: 05/1-50-13-29/12

Sarajevo, 14.09.2012. godine

ZAPISNIK

1. hitne sjednice Nezavisnog odbora Parlamentarne skupštine BiH

Sjednica je održana 14. 09.2012., s početkom u 11.30 sati.

Sjednicu je sazvao Žiko Krunić, predsjednik Nezavisnog odbora, u skladu sa članom 5. stav (5) Poslovnika o radu Nezavisnog odbora kao nezavisnog tijela policijske strukture BiH.

Sjednici su prisustvovali: Žiko Krunić, predsjednik Nezavisnog odbora, Bakir Dautbašić, prvi zamjenik predsjednika Nezavisnog odbora, Zijad Kadić, Viktor Dadić, Enes Obralića, Dragan Savić i Stanko Nuić, članovi Nezavisnog odbora.

Opravdano su odsustvovali: Mato Jozić drugi zamjenik predsjednika Nezavisnog odbora i Ljubomir Kuravica član Nezavisnog odbora.

Osim članova, sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Senad Zlatar iz OHR-a i Zoran Brkić iz Sektora za odnose s javnošću Parlamentarne skupštine BiH.

Predsjednik Nezavisnog odbora konstatirao je da postoji kvorum za rad i predložio sljedeći:

DNEVNI RED

1. Podrška aktivnostima koje provodi Državna agencija za istrage i zaštitu, poznate pod nazivom akcije „Lutka“ i „Boss“.

Ovakav dnevni red jednoglasno je usvojen.

Ad.1. Podrška aktivnostima koje provodi Državna agencija za istrage i zaštitu, poznate pod nazivom akcije „Lutka“ i „Boss“

Žiko Krunić je informirao članove Nezavisnog odbora da su prije početka ove sjednice predsjednik, dva člana Enes Obralića i Stanko Nuić i sekretar Nezavisnog odbora posjetili sjedište Državne agencije za istrage i zaštitu, te tom prilikom direktoru SIPA-e, Goranu Zupcu, dali punu podršku u provođenju aktivnosti s ciljem suzbijanja organiziranog kriminala u BiH. Goran Zubac je na sastanku sa članovima Nezavisnog

odbora istakao snažnu opredijeljenost svih zaposlenih u Državnoj agenciji za istrage i zaštitu da se odlučno bore protiv terorizma, organiziranog i finansijskog kriminala i najavio da će sličnih akcija u budućnosti biti još mnogo.

Predsjednik Nezavisnog odbora je istakao da je razlog sazivanja 1. hitne sjednice potreba da Nezavisni odbor Parlamentarne skupštine BiH kao nezavisno tijelo policijske strukture BiH pošalje jasnu poruku i Državnoj agenciji za istrage i zaštitu i drugim institucijama i agencijama koje su učestvovala u navedenim aktivnostima, i javnosti da podržava aktivnosti koje provodi SIPA na suzbijanju organiziranog kriminala. Informirao je članove da će nakon sjednice dati izjavu za medije u vezi sa razlozima sazivanja hitne sjednice.

Otvorio je raspravu o ovoj tački dnevnog reda.

U raspravi su učestvovali svi prisutni članovi Nezavisnog odbora.

Jednoglasno je usvojen prijedlog prvog zamjenika predsjednika Bakira Dautbašića da se uputi dopis direktorima Direkcije za koordinaciju policijskih tijela, Državne agencije za istrage i zaštitu i Granične policije BiH da Nezavisnom odboru dostave listu problema s kojima se susreću u radu, a da Nezavisni odbor o tome informira Parlamentarnu skupštinu BiH.

Sjednica je završena u 12.15 sati.

Sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić